



## Universitätsbibliothek Paderborn

**Joannis Ludovici Schönleben, Carnioli Labacensis, SS.  
Theologiae Doctoris, Protonotarij Apostolici,  
Archi-Diaconi Carnioliae Inferioris. Horae Subsecivae  
Dominicales. Sive Discursus Sacri De Tempore ...**

Cum quadruplici Indice I. Discursuum. II. Locorum Sacrae Scripturae. III.  
Rerum & Verborum. IV. Historiarum & Mythologiarum

Pars Aestiva Et Autumnalis A Pentecoste Usque Ad Adventum. - Annexis  
aliquot Panegyricis Academicis.

**Schönleben, Johann Ludwig**

**Salisburgi, 1676**

Discursus IX. Dominica VII. post Pentecosten. Martyres Diaboli. Thema.  
Attendite à falsis Prophetis, qui veniunt ad vos in vestimentis ovium,  
intrinsicus autem sunt lupi rapaces. Matth. 7.

[urn:nbn:de:hbz:466:1-47093](https://nbn-resolving.org/urn:nbn:de:hbz:466:1-47093)



# DISCURSUS IX.

*Dominica VII. post Pentecosten.*

**Martyres Diaboli.**

*THEMA.*

Attendite à falsis Prophetis, qui veniunt ad vos in vestimentis ovium, intrinsecus autem sunt lupi rapaces.

*Matth. 7.*

**SYNOPSIS.**

- I. Periculosum est versari inter malos socios, inter hypocritas pelle ovina tectos, quia facile fallunt. Ut ergo dignoscantur eorum effigies proponenda est.
- II. Nullum vitium tam acriter reprehendit Christus quam hypocrisim, & hoc est illud crimen pessimum, de quo Ioseph fratres accusaverat.
- III. Varijs appellantur nominibus hypocrite, rebus varijs assimilantur, sed
- IV. Optimè eos nominat S. Athanasius Martyres Diaboli quia ab hypocrisi velut Dæmonio exagitantur instar energumenum.
- V. Nato Christo Angeli Deo gloriam tribuunt pacem hominibus, at hypocrite invadunt Dei gloriam, & turbant pacem suam & alienam, & ingentia patiuntur, ut gloriam aucupentur.
- VI. Est hypocrisis quasi venenum nocens animæ & corpori. Nam simulatio torquet instar hydropis.
- VII. Multi sunt in cælo Martyres Christi, qui non sunt passi tanta, quanta hypocrite Martyres Diaboli pro vana gloria. Imò nullus Christi  
Mar.

Martyr tantum passus est, quia solum in corpore hi patiuntur, at hypocrita in corpore simul & animo.

VIII. Martyres Christi moriuntur inter laudes Christi, at hypocrita sepe inter blasphemias, sicut Antonius Picens.

IX. Merito ergo vocantur Martyres Diaboli, quia ipse est magnus hypocrita, & transfiguratur se in Angelum

lucis, uti fecit in Paradiso, & licet proiectus sit Draco, adhuc idem agit.

X. Et asseclas suos ut Draco enecat uti Monachum illum de quo S. Gregorius narrat. Declinemus ab eiusmodi Martyribus, & meminerimus quod Christus octo enumeraverit beatitudines diversarum virtutum, & uni vitio hypocriseos octo Va!

Attendite à falsis Prophetis, qui veniunt ad vos in vestimentis ovium, intrinsecus autem sunt lupi rapaces, Matth. 7.

## I.



Sic quem fugias, quem declines magnum in via salutis adiuventum est, ne incautus incidas in foveam. Nihil enim malis socijs perniciosius, nihil falsis & subdolis amicis pestilentius. Veniunt ( inquit Christus ) in vestimentis ovium, intrinsecus autem sunt lupi rapaces. Morem venandi cervos in quibusdam regionibus hunc esse narrant historici: venatores ut incautum animal inopinato conficiant, exuvias cervinas induunt, & velut quadrupedes ad illa accedunt; cumque propius venerint ex arcu sub exuvijs abscondito sagittam emittunt, & præda illico potiuntur. Ad oves lupi si pelle ovina contacti venirent non timerentur; timendum est Christi ovibus etiam ab ovinis pel-

pellibus, propterea monet Christus *Attendite*. Quod verbum Author Imperfecti observans, aiebat: *Non dicit Aspicite, sed attendite; aspicere enim est simpliciter videre; attendere autem est attentè considerare*. Multa opus est indagine & cautela, ut deprehendantur falsi Prophetæ, idest, ut uno ore Patres clamant, Hypocritæ, simulatores, gloriæ inanis aucupes; quia scilicet simulatio eorum (quam alibi Christus vocat fermentum Phariseorum) totam massam, integram communitatem, totas urbes corrumpit. Horum proinde effigiem vobis hodie exhibebo, non tantum ut caveatis illorum commercium, sed multò magis ut vivendi normam quam illi sequuntur, excremini.

Auth. Imp.

II. Nullum vitium tam acriter tam frequenter, tam sollicitè Christus reprehendit in Evangelio, quàm hypocrisim, utpote quod maximè abominandum & detestabile est. Unde Job aiebat: *Non veniet in conspectu ejus omnis Hypocrita*. Et alibi: *Simulatores & callidi provocant iram Dei*. Et crimen illud quod in sacris literis vocatur *pestimum*, de quo fratres suos accusaverat apud Patrem Josephus, fuit hypocrisis ut censet Richardus à S. Victore. *Illud crimen pestimum, & præ cæteris abominandum, quia Deo præ omnibus odiosum, de quo Joseph fratres suos apud Patrem accusat, quod Deus singulariter detestatur, nullum aliud quàm hypocrisis rectius intelligitur*. De quo vitio nupernus scriptor cum multa disservisset, tandem in ea erumpit verba: *Concludere cogor contra hos maledictos hypocritas dicto illo S. Cypriani: Quo autem nomine hos homines dicam nescio*. Ego vero non patiar Anonymos esse, qui omnium vitiorum ha-

Job 13.  
Job. 36.Rich. à S.  
Victo. p. 1.  
c. 69.Calam. in  
sylv.  
S. Cyprian. Ep.  
29.

Dom. Pars II.

O

bent

bent nomina: & qui omnes curas suas impendunt pro solo nomine, non debent esse sine nomine.

III. Taceo quod à Christo ( ut notum vobis est ) appellentur *serpentes & genimina viperarum. Sepulchra dealbata. Lupi in vestimentis ovium &c.* B. Laurentius Justinianus hoc eos donat Elogio: *Sepulchra deaurata. parietes dealbati, nubes sine aqua, infrutuosa arbores, cæci errantes.* Scribanius appellat eos *Poma Gomorrhæa*, quæ in extima pellicula pulchra sunt & delectant, intus verò sunt mera favilla & pulvis. Hugo Cardinalis nominat *Idolum Bel*, quod extra æneum erat, intrinsecus luteum. Origenes *Cygnis* comparat, & post eum Hugo Cardin. & S. Bonaventura, quia hi plumas candidas sed carnem nigerrimam habent. Cæsarius Arelatenfis componit eos cum arbore fici à Christo maledicta, quæ folia habuit sine fructu, quia, ut ipse ait, *simulantium hominum representabat imaginem.* S. Ambrosius Iridi quæ præfert pulcherrimos colores, qui sunt tantum apparentes, & ideo observat in Cantico puerorum ubi omnia ferè cætera in cœlo, aëre & terra nominantur, & invitantur ad laudes Dei, exclusa est Iris. *Laudare Deum non meruit arcus ille pulcherrimus, quia fictos habet colores.* S. Augustinus hypocritas nominat *vulpes simulates ad prædam.* S. Gregorius vocat *Struthiones*, quia alas habent ut accipiter, sunt tamen affixi terræ ut ab ea in altum se non possint librare. Hugo Cardinalis eos representat in *Equo pallido* Apocalyptico. Eodem modo S. Antonius de Padua *Equus pallidus significat falsos fratres, simulatores & callidos.* Theodoretus confert cum Pardo Apocalyptico. Bellovacensis vocat *Vespertiliones*, qui cum avibus volant, cum quadrupedibus

B. Laur.  
Just. de hu-  
mil. c. 15.  
Scrib. in  
Politico  
Christia.

Hugo  
Card. in  
c. 23.  
Matth.  
Orig. in  
Levit.  
Hugo  
Card. ib.  
S. Bonav.  
ser. 1. de  
S. Marco.  
Cæsar A-  
relat.

S. Ambros.  
in Ep.  
S. Aug. de  
verb. dom.  
S. Gregor.  
in cap. 11.  
Marcii.  
Hugo  
Card. in  
Apoc.  
S. Anto.  
de Pad.  
Theod. ap.  
Mansi.

dibus ambulat, utrisque exosi. Tertullianus appellat *adulteros virtutis*. S. Hieronymus comparat monstro & Chymææ, scribens in Grunnum Corocottam inquit: *Monstruosa res est speciem habere columbinam, & mentem caninam, professionem ovianam, & intentionem lupinam; intus esse Neronem, & foris apparere Catonem*. Petrus Blessensis indigetat venatores muscarum. *Quid est inanis gloria quam venantur nisi musca?* S. Gregorius dicit eos esse membra Antichristi, quia *omnium hypocritarum caput Antichristus*. Et S. Bernardus: *Ministri Christi sunt, & serviunt Antichristo*. Quid multa?

IV. Placet elogium quo hypocritas ornat S. Athanasius, dum appellat MARTYRES DIABOLI. quod ne fortuito vel exaggerativè dictum putetis pluribus comprobo. Nam hoc saltem debemus concedere S. Chrysostomo, qui eos nominavit *DIABOLOS incarnatos*, Dixit hoc ille per hyperbolen, saltem Diaboli servos, & mancipia, & planè Martyres agnoscere debuit. A cujus mente non abscellit Vincentius Bellovacensis cum diceret: *Hypocritæ extra sunt homines, sed intus sunt dæmonia*. Quid censetis an ejusmodi homo non patitur continuum quoddam Martyrium, & crudelissimis tormentis afficiatur, qui omnia simulatè & fictè agit? Obsessos à Dæmone ingentia perpeti vel ex sacris literis agnoscimus, & in multis historijs legimus, quomodo jactentur, concutiantur, discerpantur, spument, vociferentur, & sæpè toti contracti vix hominibus similes apparant. Tales sunt hypocritæ & simulatores spontaneâ infaniâ delirantes, & ab hypocrisi velut dæmonio exagitati.

V. Christo nascente nuntiarunt Angeli Deo

O 2

glori-

Bellovac.  
spec. mor.  
p. 3. lib. 3.  
dist. 10.  
Tertull. de  
speac. c.  
23.

S. Hier.  
Ep. 58.  
Pet. Bless.

Ep. 14.  
S. Greg.  
lib. 25.

Moral.  
c. 14.

S. Bern.  
serm. 33.  
in Cant.  
S. Athan.  
lib. de fi-  
mil.

S. Chrysost.  
in Matth.  
ap. Calan.  
hom. 43.  
ad pop.  
Bellov.  
spec. mor.  
p. 3. lib. 3.  
dist. 10.

gloriam, hominibus Pacem. *Gloria in altissimis Deo, & in terra Pax hominibus.* Qui pace contentus vivit & Gloriam cedit Deo pacem habet & suavissima fruitur tranquillitate. Qui non est contentus Pace, sed appetit etiam Gloriam, quæ soli Deo debetur & pacem perdit, & gloriam non consequitur, quia hanc Deus nemini communicat nisi in patria. *Gloriam meam alteri non dabo.* Unde mellifluus Doctor: *Displicet, inquit, mortalibus Angelica illa partitio, qua gloria Deo pax hominibus nuntiatur, & dum gloriam usurpant, turbant pacem. O stulti filij Adam, qui contemnentes pacem, & gloriam appetentes, & pacem perdunt & gloriam.* Pacem scilicet in hac vita, quia dum se componunt ad oculum, dum sollicitè student placere alijs, in anxietate vivunt tam solliciti ut aucupentur optatam gloriam inanem, quam ut acquisitam retineant, & non deprehendantur in hypocrisi sua. Sic verò perdunt gloriam in futura vita, pro qua deberent contemnere gloriam inanem, cui omnes labores suos consecrant. *Propter ambitionem* (inquit Bernardus) *paratos eos videas uni-versa pericula subire, suscitare scandala, sustinere odia, dissimulare opprobria, negligere maledicta.* S. Prosper. *Prædicant magna nec faciunt; accusant vitia nec deponunt, publicè sibi displicere simulant quod occultè committunt.* Magni student *videri non fieri.* Magis congruunt nostro scopo illa B. Petri Damiani: *Hypocritæ mira se abstinentia affligunt, omne robur corporis atterunt, & quasi carnis vitam funditus in carne vi-ventes extinguunt.* Deniq; S. Augustinus paucis multa: *Hypocrita multa sustinet, multa portat, sed vae hypocritæ.* Præclare dicit vae Hypocritæ, quia ipse Christus non semel eos sic allocutus est: *Vae vobis hypocritæ.* Vae in hac vita, vae in futura.

S. Bern.  
Ep. 126.

S. Bern.  
de con-  
vers. ad  
Cler. c. 31.  
Prosp. lib.  
2. de vita  
contempl.  
c. 4.  
B. Pet.  
Damia.  
serm. de  
S. Barba-  
tia.

S. Aug ser.  
13. ad frat.  
in Erem.

VI. Ob.

VI. Obscura nonnihil Tertulliani verba in hanc thesim elucidemus. Hortabatur ille virgines ne in publicum prodirent eo motivo, quod periculosum sit aspici, & quasi tantundem ac fascinari. *Est aliquod metuendum apud Ethnicos: fascinum vocant infeliciorem laudis & glorie enormitatem.* Vult dicere. Aspectus hominum & applausus quem captant hypocritæ, est fascinum pietatis, est quasi venenum quo bona virtutis valetudo vitiatur, & depravatur: imò & corpori nocet: periculosè tabescit fascinatus, ut macie consumptus intereat. Lucem dicto afferat Ethnicus Philosophus Seneca: *Est & illa solitudinum non mediocris materia, si te anxie componas, nec ullis simpliciter ostendas; qualis multorum vita est, ficta & ostentationi parata.* TORQUET enim assiduè observatio sui, & deprehendi aliter quàm solet metuit. *Nec unquam cura solvimur, ubi toties nos æstimari putamus, quoties aspici. Nam & multa incidunt, quæ invitos denudent: & ut benè cedat tanta sui diligentia, non tamen jucunda vita aut securus est, semper sub persona viventium. &c. Satius est simplicitate contemni, quàm perpetua SIMULATIONE TORQUERI.* Ex hujus consideratione torturæ monebat S. Petrus Chrysologus: *Quod corporibus est hydrops, hoc hypocrisis animabus.* Et ante præmiserat: *crudeli arte virtutes truncat mucrone virtutum: jejunium jejunio perimit, orationem oratione evacuat, misericordiam miseratione prostermit.* Et hæc credamus fieri absque magnis animi perturbationibus, absque tormentis?

VII. Agite componamus verum Martyrem Christi, cum simulatore hypocrita cum MARTYRE DIABOLI. Sanè ego ausim dicere multos esse in cælo Martyres Christi, qui non sunt tanta passi

Tertull. de  
veland.  
virg. cap.  
15.

Senec. de  
tranquillit.  
c. 15.

S. Pet.  
Chryf.  
serm. 7.



tòrmenta pro Christo, & æterna gloria, quanta sæpè patitur hypocrita, pro Diabolo, & inani gloria. Quàm multos numerare possemus, qui sola capitis truncatione vitam pro Christi fide finierunt, vix recens ad fidem conversi, & hi verè sunt Christi Martyres, cum econtra simulatores sæpè plurimos annos exigant magno labore fingendo virtutem, ingenti sollicitudine & metu perculsi ne prodantur; & si prodantur rubore & iracundia frementes; ut taceam quòd sæpè molestissimas vigiliis, continuata jejunia, vestitum asperum, frigus, æstus, calumnias, opprobria &c. deglutiant: solum ut ab hominibus æstimentur, & sancti habeantur, quod sanè est esse diuturnum MARTYREM DIABOLI. Neque hic sisto. Licet enim conferam Martyres Christi qui crudelissima tormenta sustinuerunt, uti S. Laurentium, qui lento igne assatus est in craticula, S. Bartholomæum qui vivus excoriatus. S. Eustachium, qui æneo tauro inclusus, S. Artemium, qui intra duas petras compressus omnibus membris contractis, elisis oculis, integrum diem, & noctem exegit vivus, & innumeros alios, nihilominus si benè perpendamus, majus tormentum est Hypocritæ, qui vivit fictè & simulatè. Nam hic in corpore pariter & animo patitur: in corpore dum id abstinentijs & jejunijs macerat, in animo dum reportat subinde applausum quem venatur, dum metuit ne detegatur dolus, dum reminiscitur per hoc non tantum se nullam sperare posse remunerationem, sed insuper damnationem. Unde quod Martyres uno alterove die in corpore solum sustinuerunt cum gaudio expectantes beatam spem & speratam beatitudinem, hoc simulator per multos men-

mensis & annos extensivè perpetitur sine fructu, sine spe, & cum metu vindictæ divinæ. Quis talem neget esse MARTYREM DIABOLI? *Fugiendum est virus, monet Chrysologus, pestilentia cavenda, quæ de remedijs creat morbos, conficit de medicina languorem, sanctitatem vertit in crimen, placationem facit reatum, generat de propitiatione discrimen. Hypocrisin qui fugerit vincit, qui incurverit cadit.*

S. Pet.  
Chryf.  
serm. 70.

VIII. Martyres Christi eos dicimus qui pro fide Christi in laudibus Christi inter dolores & tormenta moriuntur. At hypocritæ sunt MARTYRES DIABOLI. Quia moriuntur quidem inter torturas, sed cum blasphemijs sæpè ac desperatione, quod illis verbis innuit Jeremias Propheta: *Duplici contritione conterere eos.* In quæ verba Bernardus: *Duplici contritione conteruntur hypocritæ, quando & hic pro temporali gloria temporaliter se AFFLIGUNT, & in futura pro interna superbia ad æterna supplicia pertrahuntur.* Horrendum hypocritæ casum narrat Panormitanus de Antonio quodam Eremita tempore Alphonsi sapientis Regis Aragoniæ, Hic Antonius Picens quadraginta diès & noctes perpetuo jejuna-re ferebatur, adeò ut Italiam, Siciliam, Hispanias compleverit nomine sanctitatis & abstinentiæ. Pluribus in locis cella præclusus & à custodibus observatus nihil edens aut bibens, Angelorum insuper ministerium, & consortium habere credebatur, Verum habebat clam in cella candelas crassiores exterius, & superfusoriè ceratas, sed intus fistulæ cannarum includebantur farina infartæ, quæ ex contritis phasianorum & caponum carnibus saccharo & aromatibus immixtis condiebantur. Aiunt & cingulum gestasse fistulatum plenum nectare quod

Ierem. 17.

S. Bern.  
in Flor. c.  
104.

Panormit.  
lib. 2. c. 9.  
de reb Al-  
phonsi.  
SimonGo-  
ulari in  
hoc com-  
mun.  
Apophteg.  
Phil. Ca-  
mera.  
Cent. 3. ho-  
ra succif.  
c. 36.

quod Hypocraticum vocant, & erat verè Hypocriticum. His epulis clam pascebatur, habitus interim omnium mortalium abstinentissimus, & quo nemo id temporis sanctior. Is vermibus tandem corrosus, & inter magnos cruciatus cum mors instaret, in Christum, & beatissimam Virginem diras blasphemias & convitia evomens, impiam simul animam evomit. Quod cum relatum fuisset Alphonso Regi, dixisse fertur: *Propterea Deum in hypocritas tantoperè servire, quod dum homines decipiunt, interponant Deum ipsum tanquam sceleris mediatorem: ideoque ut plurimum viventes adhuc plecti in oculis hominum, quos Dei nomine sefellissent; ut intelligant mortales, à tali monstro maxime sibi cavendum esse, quod Deum ipsum, nedum post mortem, sed etiam in vita ipsa haberent indubitatum ultorem.* Atque ita per tormenta temporalia MARTYRES DIABOLI transeunt ad tormenta æterna, quia ut ait Joan. Herold. sub nomine Discipuli *simulantes se esse ex parte Dei, sunt ex parte DIABOLI.* Cum viceversa MARTYRES Christi transeant per tormenta temporalia ad gaudia æterna.

*Discip.  
serm. 100.  
de temp.*

IX. Et certè quomodo non essent ex parte Diaboli simulatores & hypocritæ; aut quomodo non haberent portionem cum eo, si ipsius premunt vestigia? *Magnus hypocrita est Diabolus, ipse se transfiguratur in Angelum lucis.* Inquit S. Antoninus. Est princeps tenebrarum, & sequuntur eum omnes, qui tenebras amant & opera tenebrarum, ac nihilominus luce vestiri gestiunt, apparere hominibus devoti, continentes, jejuni, cum sint pleni spurcitijs. Diabolus in Paradiso serpens, in visione Apocalyplica Draco apparet; nihilominus Christus Evange-  
lio

*S. Antonin. sum-  
mæ P. 2.  
tit. 4. c. 7.*

ho de ipso ait *Vidi Sathanam sicut fulgur cadentem.* Joannes verò: *Projectus est Draco.* Quid commune fulguri cum Dracone? non est maior lux, quam fulguris, sed nec ulla brevior. Vix creatus in cœlo Angelorum Princeps fulgurabat splendore Angelico, sed ad modicum; & quàmprimum gloriam vanam appetijt *projectus est Draco.* Projectus inquam in abyssum ad tormenta æterna, manet semper Draco, & hiante rictu appetit non jam Angelos sed homines una secum præcipitare in abyssum, & ideò *transfiguratur se in Angelum lucis.* Per apparentiam fulgur, reipsa Draco: utrumque adlaborans perverissimè conjungere, & splendorem fulguris & vafritiem Draconis insidiatoris. Emphaticè dicit Christus *Vidi Sathanam sicut fulgur cadentem,* non verò: *vidi Sathanam fulgur cadentem,* quia fulgur reapse lux est ex nubium collisione resultans; atverò Sathanas non est lux, sed lucis simulator, non habens substantiam lucis sed apparentiam, & fictum splendorem, quo respexisse videtur Beda apud D. Thomam: *Quod autem ait: sicut fulgur, vel præcipitem de supernis ad ima lapsus significat; vel quia dejectus adhuc transfiguratur se in Angelum lucis.* Hunc Draco-Angelum sequuntur omnes hypocritæ velut Ducem & antesignanum; unde sicuti justi veri filij lucis sequendo Christum per tormenta sunt Christi MARTYRES, & à Christo præmia recipiunt in cœlesti gloria: sic hypocritæ filij tenebrarum, quando se luce apparente vestiunt sequuntur Diabolum, & sunt *MARTYRES DIABOLI*; non ab alio quàm Diabolo remunerandi.

X. Heu quàm magnum discrimen est inter MARTYRES CHRISTI, & MARTYRES DIABO-

Dom. Pars II.

P

LI

Luc. 10.  
Apoc. 12.

Beda ap.  
D. Thom.

II. Illi Ducem sequuntur Christum, hi Diabolum: illi pauca patiuntur pro æterna gloria, hi multa tolerant pro æternis tormentis: illi semper respiciunt æterna pro quibus parati sunt omnia pati; hi respiciunt momentaneam gloriolam pro qua sciunt se æternum passuros: illi tortores habent ministros Dæmonis, & præmiatorem Christum, hi verò simul tortorem & præmiatorem Dæmonem, qui eos non tantum post hanc vitam æternis, sed etiam in hac vita temporalibus sæpè torturis excruciat, atque adeò infernum suum adhuc viventes aspiciantur. Quod illi sanè accidit, de quo S. Gregorius Magnus in hunc sensum: Monachus quidam magnum sibi nomen sanctitatis comparaverat simulatione virtutum; hic moriturus fratres ad lectum funebrem convocari petijt. Accurrerunt illi avidè velut insigne pietatis specimen visuri, & documentum consolatorium audituri. Tum ille exorsus (verba sunt S. Gregorij) *Quando me vobiscum credebatis jejunare, occultè comedebam, & ecce nunc ad devorandum DRACONI traditus sum, qui caudâ suâ mea genua pedesque colligavit; caput verò suum intra os meum mittens, spiritum meum ebibens extrahit.* Atque ita infelix anima sine pœnitentia exspiravit. Sic projectus est DRACO, affecla & Martyr Draco-Angeli, MARTYR DIABOLI. Finio discursum, & moneo AA. ut observetis Christum in Evangelio octo beatitudines recensuisse, ac Beatos pronuntiasse suos sequaces, tam pacificos, quam mundos corde, quàm mites &c. & totidem sive octo *Væ* ingeminasse solis hypocritis uti observavit S. Anselmus, ex quo ipso satis apparet, quam abominabile sit hoc vitium. Proinde *Attendite à falsis Prophetis, qui*

S. Greg.  
lib. 4. Di-  
al. c. 38.

S. Anselm.  
ap. Mansi.

veni-

veniunt ad vos in vestimentis ovium, intrinsecus autem sunt lupi rapaces. Attendite ne justitiam vestram faciatis coram hominibus, quia vae hypocritis. Vae! Vae! Vae!



# DISCURSUS X.

Dominica VIII. post Pentecosten.

Lapis Philosophicus.

THEMA.

Facite vobis amicos de mamona iniquitatis, ut cum defeceritis recipiant vos in æterna tabernacula. Luc. 16.

SYNOPSIS.

- |  |   |
|--|---|
| <p>I. Omnis ferè hominum cura est Aurum, quod facit Avarum. Hinc non contenti illud è montibus effodere etiam tentamus per artem alia metalla in illud mutare. Laboratur verò in adinveniendo Lapide Philosophico, qui iuncturam det metallis. Sed verus lapis Philosophicus Eleemosyna est, quæ omnia potest in aurum convertere.</p> | <p>vel Dæmonem sonat, vel Idolum: vere avaritia est Idolorum servitus.</p>  |
| <p>II. Vocatur aurum à Christo Mamonna iniquitatis, quod</p>   | <p>III. Hoc Idolum projicere in fornacem paupertatis &amp; adhibere Lapidem Philosophicum Eleemosyna est elaborare purum &amp; obryzum aurum, de terra &amp; luto; quia divitiæ terrene sunt terra &amp; lutum. Da ergo pauperi terram ut accipias cælum.</p> |
| <p style="text-align: right;">P z</p>  | <p>IV. Difficile est divitem intrare cælum, sunt tamen ingressi qui</p>   |